

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus V. De confectaneis accidentalibus ad beatitudinem.

[urn:nbn:de:hbz:466:1-74152](#)

Dixi objectum primarium & directum ; sicut enim ipsa visio secundariò representat seipsum, sic etiam amor concupiscentia & delectatio poterit secundariò & indirectè terminari ad visionem ; quemadmodum spes istius vita secundariò fertur in adepitionem Summi Boni tanquam objecti primarii.

6. Dices : Etiam actus primarius alicujus virtutis Theologica directè debeat terminari ad objectum increatum & divinum : non tamen necesse est, ut actus secundarius ita terminetur ; sic enim dilectio hominis propter DEUM, quæ est actus secundarius charitatis, habet proximum pro objecto terminativo. Subfumo. Sed delectatio est actus secundarius charitatis : ergo nihil obstat, quod minus pro objecto directe & immediate terminante habeat creatam visionem.

Respondeo dist. majorem : nisi ille actus in accipiendo objectum terminativum totaliter dependeat ab actu primario, concedo. Si totaliter ab

illo dependeat, nego : sed delectatio est actus secundarius charitatis, ita tamen ut totaliter ab amore concupiscentia, qui est actus primarius, dependeat, concedo. Ut nō totaliter dependeat, nego min. & consequentiam. Cum enim nullus tenus possit esse delectatio, nisi de objecto, quod amatur : ideo necesse est, illud objectum directe objici delectationi, quod objicitur amori : atqui amor concupiscentia in patre directe objicitur DEUS : ergo & delectationi, ex quibus datur disparitas ad instantiam : qui amor proximi propter DEUM ab amore DEI, pender quidem in accipiendo objectum motum, cum utriusque sit idem motivum, dum DEUS propter se & proximus amat proprieatem DEUM, non vero accipiendo objectum terminativum, quia amor proximi non ita sequitur amorem DEI per modum proprietatis necessarii emanantis, sicuti delectatio & gaudium consequit amorem boni possit.

ARTICULUS V.

De coniectaneis accidentalibus ad beatitudinem

S U M M A R I A.

1. Cur dotes assignentur anima beata?
2. Definitio dotes.
3. Numerus dotum.
4. Consistunt non in operatione, sed habitu.
5. Objecta auctoritas D. Thoma exponitur.
6. Cura gratia sanctificans non constituit dotem?
7. Cur dotes non sunt in Angelis?
8. Negare in Christo?
9. Quid sit dotes corporis?
10. Exponitur impossibilitas.
11. In quo consistat subtilitas.
12. Quid sit dotes agilitatis?
13. Quid sit dotes charitatis?
14. Dotes redundant ex gloria anima.
15. Definitio aureola.
16. Ternarius aureolarum ostenditur.
17. Cur aureola non respondeat voluntaria paupertati & obedientia?
18. Requisita ad aureolam virginitatis.
19. Corollaria inde deducuntur.
20. Requisita ad aureolam Martyrii.
21. Corollaria exinde deducuntur.
22. Requisita ad aureolam Doctoratus.
23. Aureola principaliter subiectatur in voluntate.
24. Christus non habet aureolas.
25. Nec Angeli.
26. Reunio corporum non pertinet ad essentiam,
27. Benè ad accidentalem & extensivam perfectionem beatitudinis.

§. I.

Exponuntur dotes anima beata.

Notandum primò. Cum in æternâ beatitudine spirituale quoddam matrimonium invenatur inter animam & DEUM : ideo anima tanquam sponsa communiter à Theologis as-

signari quasdam dotes, per analogiam ad illum dotem, que in matrimonio carnali, sponsa signatur partim in matrimonii solitum & omnium sublevationem, partim in ipsius sponsatum. Prout dicitur L. Dotis ff. de jure dñm.

Notandum secundò. Dotem animæ à S. D. in 4. d. 49. q. 4. a. 1. sic definiri : *Dotem animæ, vita sufficiens, in æternâ beatitudine jugiter perseverans.* Ubi significantur tres conditiones ad rationem dotis requiritur. Primo quod conferatur à Christo Sponso vel tota sanctissima Trinitate ad ornatum & iucunditatem animæ : neque enim illa ibi sunt onera matrimonii, pro quibus sustinendis in matrimonio carnali dos tribui solet. Secunda est, ut conveniat in patria, seu beatitudine æterna, quia tunc solum sponsa in dominum sponsi introducitur, fitque indissolubile matrimonium inter animam & Christum, quæ de causa dicitur Apoc. 19. *Venerant nuptia agni, & uxor ejus preparavit se, & datum est illi, ut cooperaret byssino splendenti & candido.* Terziò requiriuntur budo ad Sponsum Christum, quia debet dominum sufficiens ad suavem unionem cum Christo. His positis in numero dotum facile convenient Autores : potissima discrepanzia reportatur in exponenda illarum entitatibus : dum aliqui volunt illas in actu, ut Vasquez & Martinez, alii in habitu, ut communiter Thomistæ, alii in utroque constituant, ut Lorca hic disp. 22.

CONCLUSIO prima. *Tres sunt dotes anima beatae, videlicet, visio, comprehensio, & fruatio.* Ita Thomistæ ex S. D. hic q. 4. a. 9.

Ratio est : Illa dona sunt dotes anima beatae, quæ ita sufficiunt ad ornatum animæ, sive venient eis unionem cum Christo, ut similitudine respondant dotibus animæ justæ, quibus in hac

vita spiritualem atrimonium inchoatur, & ad futurum disponitur: sed tria sunt ejusmodi dona videlicet: visio, quæ responder fidei, & tollit cognitionis obscuritatem; comprehensio, quæ succedit spei, & tollit ipsius anxietatem; fructus, quæ responder charitati, eique superaddit quietem in bono possesto.

CONCLUSIO secunda. **Dotes animæ** non consistunt in operatione, sed in aliquo dono habituali: & quidem [2.] dos visionis in lumine glorie; quatenus est habitus clarificatio intellectus, exinde proxime disponens ad intimam unionem cum divina essentia in ratione speciei intelligibili: [3.] dos comprehensionis in eodem habitu luminis gloria quatenus fandante relationem praesentia ad DEUM seu bonum possit: [4.] dos veræ fruitionis consitit in habitu charitatis, cuius est causare beatificam fruitionem.

Ratio primæ partis ex S. D. in Suppl. q. 95. a. 2. i.e. est: quod nomine dotes non intelligitur ipsa unio & conjunctio cum DEO, sicut neque in matrimonio carnali dotes nomine significatur copulatio ipsa matrimonii: sed dos significat ornatum & dispositionem animæ ad intimam unionem cum DEO: atque operationes beatifice visionis & fruitionis significant ipsam etiam unionem & conjunctionem cum DEO; ergo dotes beatæ animæ non in operatione, sed in aliquo habitu ad illam operationem disponente & influente debent consistere.

Ex quo exterae partes conclusionis facile sequuntur, nam sicut actualis visio & comprehensionis Summi Boni est actus ipse visionis, sic habitus est lumen gloriae, sub diversâ tamen formitate; nam visio dicitur, quatenus clarificat intellectum, cumque proxime disponit ad unionem divinae essentiae sub ratione speciei intelligibili: comprehensio vero dicitur, quatenus in anima causat relationem intimam praesentia cum divina essentiâ seu bono possesto. Rursus: sicut fructus actualis primaria est actus charitatis seu amor tum benevolentia tum concupiscentia. Secundaria est delectatio consequens amorem, sic fructus habitualis nil est aliud, quam habitus charitatis, ex quo summa tum dilectio Summi Boni, tum delectatio de ipso promana.

Dices primò S. D. huc q. 4. a. 3. animæ dotes explicat nominibus importantibus operationem, Rursus Loco cit. ad 2. dicit, quod sicut ad voluntatem pertineant spes & amor, ita etiam comprehensionis & delectatio. Ergo comprehensionis non est lumen gloriae.

Respondeo. Aliquando operationem exprimi per vocem significativam principii habitualis: ut cum actus voluntatis per rō voluntas in S. Scriptura frequenter exprimitur: alias vero è converso per nostram operationem significativam habitus exprimuntur, eò quod habitus connonet operationes à quibus significantur. Et sic in praesenti per nostram operationem experientia significatur quid habituale. Ad secundum Respondeo primò, quod secundum S. D. comprehensionis ad voluntatem pertinet objectivè & terminativè, non autem subjectivè, h. e. quod dos comprehensionis non sit intrinsecè re-

cepcta in voluntate: sed quod per ipsam summum Bonum jam comprehensum fiat objectum voluntatis, & terminus amoris fruitivi.

Respondeo secundò, comprehensionem ad voluntatem pertinere consecutivè, non formaliter, h. e. quod jam supposita formalis & intellectiva comprehensione, etiam in voluntate resultet relatio præsentia ad DEUM, quæ non est ipsa dos animæ, sed eadem ex parte intellectus jam præsupponit.

Objicies secundò. **Gratia sanctificans** non constituit dotem in patriâ: quia illam anima etiam possidet in viâ. Ergo neque charitas, cùm si etiam communis via & patriæ.

Respondeo, negando causalē antecedentis: nam ratio, cur gratia sanctificans non constituit dotem, h. e. quia in supernaturalibus se habet per modum naturæ & prima radicis supernaturalium bonorum; adeòque sicut in naturalibus natura nec dotem nec matrimonium constituit: sic neque gratia in supernaturalibus, sed utrique præsupponit.

Colliges primò. Cur prædicta dona super- 7. naturalia in Angelis non appellantur dotes, cùm tamen æquè in ipsis, quam in beatis animabus reperiantur: Quia nimis non dicitur habitudinem ad Christum tanquam sponsum: sed hæc dona in Angelis non dicunt habitudinem ad Christum tanquam sponsum: nam sponsus cum sponsa debet habere similitudinem naturæ, atque Angelici spiritus dissimilem habent naturam cum Christo.

Colliges secundò. Cur eadem dona, quam 8. 8. vis excellentissimè possessa à Christo, in ipso tam non habebunt appellationem doris? Quia videlicet ipse est sponsus, & respectu suorum electorum non acceptor, sed dator bonorum supernaturalium.

S. II. Dotes corporis glorioſi.

Corporum reassumptionem, seu resurrectionem fides docet, in quâ justorum corpora eadem quidem numero, ut erant in hac vitâ, accidentaliter tamen erunt longè perfectiora, omnini mirum defectu & deformitate absoluta, prout indicatur ad Ephes. 4. Donec occurramus omnes in virum perfectum &c. Unde D. Aug. 22. de Civ. c. 19. Non est macius, pinguibusque merendum, ne ibi etiam tales sint, quales si possent, nec hic esse voluissent. Nempe, cùm ad multarum operationum sibi connaturalium exercitium anima corporis confortio indiget, & quoniam erat, ad beatitudinem omni ex parte complendam etiam corpus animæ sociari, & quidem eò decorè & perfectione instructum, quæ competunt animæ beatæ dignitatib; & statu omnium bonorum aggregatione perfecto. Porro speciales illæ corporum glorioſorum perfectiones etiam à Theologis dotes nominantur, & communiter quatuor recentur, videlicet: impassibilitas, subtilitas, agilitas, & claritas, his versibus enumerata:

Clari, subtile, agiles, impassibileisque,
Omnes quadruplici gaudebunt dote Beatæ.
Rationem congruentia dat S. D. 4. contra
gentes c. 86. Sicut anima beata elevatur ad glo-
riam

riam coelestium spirituum, ita congruum est corpus Beati elevari ad proprietates coelestium corporum: sed quatuor potissimum sunt proprietates corporis coelestis: quod nemp sit clarum, impassibile, facilimè loco mobile, expers elementarium fæcum & impuritatum: ergo corpus gloriosum quatuor istas proprietates participabit. Restat inquirere, in quo consistant enumeratae dotes corporis gloriosi. Unde

Quæres primo. In quo consistat impassibilitas? Respond. In omnimodâ exclusione cuiusunque lassitudinis, aut corruptivæ qualitatis causatâ ex perfectâ subiectione corporis ad animam. Sicut enim radix corruptivæ alterationis est imperfecta subiectio materiæ ad suam formam, ita vice versâ radix incorruptionis est perfecta subiectio materiæ ad formam: uti patet in corporibus caelestibus. Hanc impassibilitati dotem indicavit Jo. Apoc. 21. *Mors ultra non erit, neque lacrima, neque clamor, neque dolor erit ultra.*

Quæres secundò. Quid sit dōs subtilitatis? Respond. Est immunitatem ab omni crastitatem terrena concretionis, & facibus operationum valde materiali vita vegetativæ, qua in nostro mortali corpore reperiuntur: quâ de causâ corpus gloriosum Apostolus *corpus spiritalē appellavit* 1. Cor. 15. dicens: *Seminatur corpus animale, surget corpus spiritalē.* Neque, tamen ut quidam malè existimat, ex dote subtilitatis habebunt corpora gloria virtutem corpora solida penetrandi, ut docet S. D. in 4. dist. 44. q. 2. a. 2. Siquidem subtilitas non avertit à corpore gloriose quantitatim dimensionem, ex quâ impenetrabilitas, siisque distinctio connaturaliter promanat. Unde penetratio, quâ gloriosum Christi corpus clauso sepulchro exivit, per clausas resintravit, non ad dōtem subtilitatis, sed specialem & miraculosam operationem divinæ virtutis est referenda: ex quâ pariter clauso virginis utero corpus ipsius passibile & mortale exivit.

12. Quæres tertio. Quid sit dōs agilitatis? Respond. Est promptissimam facilitatem, quâ ad omnē motū localem voluntati & potentia executivæ Beatorum sua corpora obedient, quæ significata reperiuntur II. 40. Assumens pennas ut aquilæ, currens & non laborabunt &c. Sap. 3. *Tanquam scinille in arundinetu discurrent.* Dices: corpora Beatorum non amittent gravitatem; siquidem erunt etiam mixta: atqui gravitas impedit corpora, ne pro lubitu surfum moveri possint. Respond. Etiamsi aliqua gravitas (longe tamen minor quâ nostrorum corporum) in corpore gloriose forte in actu primo remaneat, gravitationem tamen in actu secundo per dōtem agilitatis impediri, quotiescumque beato placuerit moveri motu levitationis.

13. Quæres quartò. Quid sit dōs claritatis? Respond. Est lucidam qualitatem ejusdem rationis cum luce solis, quia præstat eundem effectum formalē. Illam exhibuit Christus clarificatus in monte Thabor, quando facies ejus splenduit sicut sol. Matt. 17. Ipsius quoque mentio fit Sap. 3. fulgebat iusti sicut sol &c. & 1. Cor. 15. *Seminatur corpus in ignobilitate, surget in gloriâ &c.*

Sed erint Beatorum corpora etiam transparentia & perlucida, ita ut non minus in profundo

lucent, quam in superficie? Respond. affirmat, & imo colligitur ex illo Job. 28. *Non adequatur ei aurum vel visrum.* In qua verba S. Greg. 18. Moral. c. 31. parebit, inquit, corporib[us] u[er]is ipsa etiam corporis humani harmonia, h. e. interna constitutio. Idque videatur convenientius tam pro ornato & pulchritudine corporum, quam pro voluptate alpientium. Neque refert, quod corpora gloria sunt servatura suum colorē: neque enim color præcisè impedit transparentiam, aut causat opacitatem, cum reperiantur vitre & gemmæ coloratae, quæ tamen transparent.

Quæres quintò. Unde promanent dotes corporis gloriose? Respond. Promanare ex gloria animæ, per ejusdem redundantiam in corpora. Ita S. D. 4. cont. genit. c. 86. & ratio congruita est, quod ex gratia tum via tum patrī promanent virtutes infusæ morales, quibus corporæ vires subiiciuntur imperio rationis: ex gratia innocentia promanabat donum integratius, quo appetitus sensitivus continetur sub obedientia partis rationalis. Ergo similius ex gratia consummata promanant perfectiores propria statui corporis gloriose. Nec refert, quod illæ sint materialis; gratia vero sit qualitas spiritualis: nam etiam potentia corporeæ & sensitivæ ex anima rationali, quantumvis spirituali relulant in corpore.

§. III.

Aureola Beatorum,

Quæres primo. Quid sit aureola? Respond. Ex S. D. in 4. dist. 49. q. 5. a. 5. esse privilegium premium privilegiate victorie respondet. Sive: accidentale gaudium de operationibus alet factis, qua habent rationem excellentes victoria.

Explicatur. Sicuti premium essentiale visonis beatifica Corona appellatur; Trin. 4. quia tributum legitimè certaminis, post superata mortalitatem vita certamina; sic etiam gaudium & premium aliquod accidentale correspondens alicui speciali pugnae & victoria, corona nominatur, sed tum ad distinctionem Corona seu premij essentialis appellatur nomine diminutivo Aureola: hoc est, quasi Corolla aurea. Contra Occasioneum Theologis sumpererunt ex c. 21. Exod. ubi postquam D E US præcepit mensam tabernaculi ornari coronâ aureâ, præcepit eidem supponali coronam aureolam, ubi Gloria in sensu anagogico per primam coronam auream intelligit premium essentiale Beatorum, per aureolam vero premium accidentale.

Quæres secundò. Quæ & quot sint aureolæ? Respond. Tres esse aureolas, videlicet, Virginitatis, Martyrij, & Doctoratus.

Ratio est: Tot sunt aureolæ, quæ sunt prima & coronæ accidentales de aliqua operatione heroicæ habente rationem excellentes victoria, si etiam in certa aliquo pugna generi, præstantissimæ, sed ejusmodi victoria est triplex: ergo etiam est triplex aureola. Min: probatur: Pugna spiritualis est triplex, juxta triplex genus appetitus, nimis concupisibilis, irascibilis, & rationalis. Prima est contra carnem, altera contra mundum, tertia contra Daemonem. Sed contra car-

ner

Item perfectissima victoria est perpetua virginitas, contra mundum, martyrium, contra Demona-
num doctoratus. Ergo Min. Explicatur & pro-
bat. In genere appetitus concupisibilis non
est major hostis quam concupiscentia carnis, con-
tra quam quotidiana pugna, rara victoria. Ergo
eniam in hoc genere praestantissima victoria com-
petit virginitati, quæ triumphat de concupis-
centia carnis.

Secundò. In genere appetitus irascibilis non
est major victoria contra superbiam mundi ter-
renis quam in illo heroico actu fortitudinis, quo
maximum malum tollatur ad persistendum in bo-
no virtutis; sed non est majus nivalium secundum
indagationem appetitus irascibilis propulsan-
dum, quam ipsa mors: ergo in illo actu quo mors
ipsa tollatur ex motivo retinendæ virtutis, est
perfectissima hujus generis victoria. Tertiò. In
genere appetitus rationalis contra Dæmonem,
illa est perfectissima victoria, quæ non tantum
proprius, sed etiam alienus intellectus perficitur
in agnitione divine veritatis, ut exinde supereret
etores, quibus dæmon intellectum inficere, &
huius medianis voluntatem nititur avertere ab
ordine ultimi finis: sed hæc victoria obtinetur
per Doctoratum. ergo.

Dices. Votum perpetua paupertatis, quo su-
peratur amor divitiarum, nec non victoria pro-
pria voluntatis per votum obedientiae, sunt
etiam auctoritati habentes rationem excellen-
tissimæ victoriae: ergo etiam ipsis debetur aureola, &
consequenter sunt tantum tres aureolæ.

Respondeo. Etiam si istis quoque heroicis o-
perationibus & victoriis in celo speciale gau-
dium præmiumque respondat, hoc tamen non
dic aureolam, quo neutra victoria est in suo ge-
nere difficultissima & præstantissima: nam sicut
concupiscentia carnis longè major est, quam
concupiscentia divitiarum; ita etiam victoria,
quæ omnis illa carnis concupiscentia superatur
per virginitatem perpetuam, in genere pugnae
contra appetitum concupisibilem major & per-
ficior est, quam victoria, quæ per votum volun-
tatis & perpetua paupertatis superatur amor di-
vitiarum. Rursus sicut in genere pugnae contra
appetitum irascibilem fugientem difficultates
occurentes in prosecutione virtutis, bonum vir-
tutis conjunctum cum iacturâ vita, & tolerantia
tormentorum ulque ad mortem, est bonum mag-
is arduum quam si bonum virtutis & confor-
matio cum divina voluntate conjuncta cum ab-
negatione propriæ voluntatis; ita etiam victo-
ria, quæ per martyrium obtinetur contra terro-
res mortis impeditores à bono virtutis, est major
quam victoria propriæ voluntatis per obedi-
entiam: quamvis & ista propter quandam simili-
tudinem cum priori spirituale martyrium appellatur à sanctis.

II. Quæstus Tertiò. Quid requiratur ad obtinen-
dam aureolam Virginitatis? Respond. Requiri-
tur perpetua carnis incorruptionem ab omni vo-
luntaria delectatione veneræ non tantum in a-
ctu, sed etiam in propositione. Ita deducitur è D.
Augustino Lib. de virginit. c. 3. ita definiens
virginitatem, quod sit in carne corruptibili incor-
ruptionis, perpetua meditatio, h. e. propositum
perpetuum se continendi.

Unde sequitur primò. Filiam Jephthe quæq.
flevit suam virginitatem, & Abelem, qui si fu-
pervixisset, habuisset præceptum nubendi, ss.
quoque Innocentes Martyres pro Christo occi-
sos non potiri aureolæ virginitatis; siquidem
non habuerunt propositum perpetuæ conti-
nitæ.

Sequitur Secundò. Etsi Beatissima Virgo ca-
ruerit omni inclinatione somitis, non tamen ca-
rere aureola virginitatis: quia quod ipsa pugnam
& rebellionem carnis non senserit, evenit ex he-
roica præstantia gratia & virtutis: Atqui præ-
stantia gratia & virtutis non tollit præmium, sed
auger.

Sequitur Tertiò. Frigidos & eunuchos non
destituti aureolæ virginitatis, si habeant voluntat-
em, etiam si forent potentes, nihilominus servan-
di virginitatem: tum quia impedimentum per
accidens obortum non impedit actum virtutis;
tum quia etiam isti possunt tentari à dæmone ad
actus venereo.

Sequitur quartò. Quamvis per interruptio-
nem interni propositi servanda virginitatis non
ita perdatur aureola virginitatis, quin per po-
tentiam & renovationem propositi conjunc-
tiæ cum externâ corporis incorruptione in fi-
ne vite recuperari possit: ab eo tamen, qui vo-
luntariæ corporis corruptionem est passus, recu-
perari non posse: siquidem essentialis materia,
circa quam virginitas versatur, est voluntaria
corporis incorruptio, quo sensu Hier. dixit, Cūm
DE U Somnia possit, virginem tamen lapsam repa-
rare non posse.

Sequitur quintò. Involuntariam aut volun-
tariam corporis corruptionem aureolæ Virginitatis
non obesse: Unde D. Lucia ad Tyrannum
dixit: si me invitam jussis violari, castitas mihi
duplicabitur ad coronam. h. e. per toleratam vio-
lentiam novum addetur præmium.

Quæstus quartò. Quænam sint requisita ad ob-20.
tinendam aureolam martyrij?

Respond, primò. Requiritur mors actualiter se-
cuta, vel naturaliter secuta, nisi fuisset divinitus
impedita, ut in S. Joanne Evangelista, qui in
ferventis olei dolium immisus ab Ecclesiâ ut
Martyr colitur, quamvis inde illas exierit.
Ratio est, quod prærogativa desumitur ex verbis
Christi: Qui perdidit animam suam propter me,
inueniet eam. Sed anima h. e. vita propter Chri-
stum perditio significat mortem. Secundò re-
quiritur, ut quis puniat propter fidem vel aliam
virtutem relatam ad fidem: non enim tantum
pena, inquit D. August. sed causa martyrem facit.
Et deducitur tunc ex superiori texu tunc ex alte-
ro Matt. 10. Qui confitebitur me coram hominibus,
confitebor & ego eum coram Patre meo. Quæ
Christi sive verbalis, sive realis & ipso opere ex-
hibita confessio significat aliquam protestatio-
nem fidei in Christum, sive explicitam & direc-
tam, sive indirectam & implicitam, quando
mors sequitur ex motivo virtutis supernaturalis
è revelatione divina & fidei assensu derivato.
Tertiò requiritur in adulto voluntas saltem ha-
bitualis moriendo propter fidem, siquidem de viâ
ordinaria nulli adulto confertur gratia secun-
dum proprij arbitrij dispositionem, prout latius
deduxi in Tr. de sacr. bapt.

Hinc